

ԵՊՀ ռեկտոր

Ա.Հ. Միմոնյան

ԿԱՆՈՒՄՆԻԹՅՈՒՆ

ԵՐԵՎԱՆԻ ԳԵՏԱԿԱՆ ՀԱՄԱԼՍԱՐԱՆԻ

ՏԵՂԵԿԱՏՎԱԿԱՆ ՏԵԽՆՈԼՈԳԻԱՆԵՐԻ

ԿՐԹԱԿԱՆ ԵՎ ՀԵՏԱԶՈՏԱԿԱՆ ԿԵՆՏՐՈՆԻ

1. Ընդհանուր դրույթներ

- 1.1. Տեղեկատվական տեխնոլոգիաների (այսուհետև՝ SS) կրթական և հետազոտական կենտրոնը (այսուհետև՝ Կենտրոն) Երևանի պետական համալսարանի (այսուհետև՝ ԵՊՀ) ինքնուրույն կառուցվածքային ստորաբաժանում է, որը գործում է Հայաստանի Հանրապետության օրենսդրությանը համապատասխան և ԵՊՀ կանոնադրության ու սույն կանոնադրության հիման վրա:
- 1.2. Կենտրոնը վերակազմակերպվում կամ լուծարվում է ԵՊՀ ռեկտորի ներկայացմամբ՝ ԵՊՀ գիտական խորհրդի որոշմամբ:
- 1.3. Կենտրոնի կանոնադրությունը լրացվում կամ փոփոխվում է ԵՊՀ գիտական խորհրդի որոշմամբ:
- 1.4. Կենտրոնի հասցեն է՝ ք. Երևան, 0025, Ալեք Մանուկյան 1:
- 1.5. Կենտրոնն ունի սեփական անվանումով կնիք, դրոշմակնիք և ձևաթերթ:

2. Խնդիրներն ու գործառույթները

- 2.1. Կենտրոնի խնդիրներն են՝
 - 2.1.1. SS-ների ոլորտում կրթական ծրագրերի և առանձին դասընթացների իրականացում:
 - 2.1.2. SS-ների բնագավառում գիտահետազոտական աշխատանքների կատարում:
 - 2.1.3. համալսարանական կրթության կառավարման և որակի ապահովման տեղեկատվական համակարգերի մշակում ու ներդրում:
- 2.2. Կենտրոնի գործառույթներն են՝
 - 2.2.1. բակալավրիատում ոչ մասնագիտական ֆակուլտետների համապատասխան ընդհանուր կրթական դասընթացի, ինչպես նաև ֆակուլտետների պատվերով առանձին դասընթացների ապահովում:
 - 2.2.2. մագիստրատուրայում հատուկ կրթական ծրագրերի (միջբուհական, միջմասնագիտական և այլն) և ԵՊՀ ֆակուլտետների կողմից չիրականացվող կրթական ծրագրերի իրականացում:

- 2.2.3. մագիստրատուրայում ֆակուլտետների պատվերով առանձին դասընթացների ապահովում,
- 2.2.4. լրացուցիչ և շարունակական կրթության (որակավորման բարձրացում, մասնագիտական վերապատրաստում և այլն) իրականացում,
- 2.2.5. ՏՏ-ների բնագավառում (այդ թվում կրթական համակարգերում կիրառվող) հետազոտական դրամաշնորհների կամ հատուկ նպատակային ծրագրերի շրջանակներում գիտահետազոտական աշխատանքների կատարում,
- 2.2.6. ԵՊՀ էլեկտրոնային կառավարման ներկառուցվածքի նախագծում, իրականացում, ներդրում, սպասարկում և զարգացում,
- 2.2.7. ԵՊՀ փաստաթղթային շրջանառությունը կարգավորող միասնական տեղեկատվական համակարգերի նախագծում, ներդրում և սպասարկում,
- 2.2.8. գիտելիքների գնահատման միասնական վարկանիշային կարգի, ուսանողների ակադեմիական տվյալների գրանցումն ու մշակումն ապահովող տեղեկատվական համակարգերի նախագծում, ներդրում և սպասարկում,
- 2.2.9. ԵՊՀ-ում ՏՏ-ների ներդրման և կիրառման հետ կապված այլ ծրագրերի իրականացում:

3. Կառուցվածքն ու կառավարումը

- 3.1. Կենտրոնն ենթարկվում է ԵՊՀ ռեկտորին:
- 3.2. Կենտրոնը կազմված է՝
 - ա) ուսումնահետազոտական միավորներից, այդ թվում՝ համահամալսարանական ամբիոններից, լաբորատորիաներից,
 - բ) ԵՊՀ տեղեկատվական ներկառուցվածքի մշակման, ներդրման և շահագործման միավորներից:

Կենտրոնի կառուցվածքը և հաստիքացուցակը հաստատում և դրա մեջ փոփոխություններ է կատարում ԵՊՀ ռեկտորը:
- 3.3. Կենտրոնի աշխատանքը ղեկավարում են գիտական ղեկավարը և գործադիր տնօրենը, որոնց նշանակում և պաշտոնից ազատում է ԵՊՀ ռեկտորը: Կենտրոնի ղեկավարության հետ ԵՊՀ ռեկտորը կնքում է աշխատանքային պայմանագրեր, որոնք հիմք են հանդիսանում նրանց հրամանագրելու համար:
- 3.4. Կենտրոնի գիտական ղեկավարը իրականացնում է Կենտրոնի կրթական և հետազոտական ծրագրերի ղեկավարումը, կառուցվածքային ստորաբաժանումների գիտա- և ուսումնամեթոդական ղեկավարումը և համակարգումը:
- 3.5. Կենտրոնի գործադիր տնօրենը իրականացնում է Կենտրոնի կառուցվածքային ստորաբաժանումներում վարչական աշխատանքի և ԵՊՀ տեղեկատվական ներկառուցվածքի մշակման, ներդրման և շահագործման ղեկավարումը:
- 3.6. Կենտրոնի ղեկավարությունը պատասխանատվություն է կրում Կենտրոնի աշխատանքների որակի և խնդիրների ու գործառույթների պատշաճ կատարման համար: